

UNIVERZITET U TUZLI  
Ul. Dr. Tihomila Markovića br. 1  
Broj: 01-16-JN-11/25  
Tuzla, 19.06.2025. godine

Na osnovu člana 70. stav (1) i stav (3) Zakona o javnim nabavkama BiH («Službeni glasnik BiH» broj: 39/14, 59/22 i 50/24) i člana 64. stav (1) tačka r) Statuta JU Univerziteta u Tuzli broj: 03-5695-1-2/23 od 18.10.2023. godine, a nakon razmatranja Zapisnika Komisije o pregledu i ocjeni ponuda broj: 01-16-JN-10/25 od 02.06.2025. godine, po punomoći Rektorice Univerziteta u Tuzli broj: 01-1424-1/24 od 13.03.2024. godine, Direktor za ekonomske poslove, donosi

## **O D L U K U** **O IZBORU NAJPOVOLJNIJEG PONUĐAČA**

### **I**

U postupku javne nabavke usluga iz Aneksa II Zakona o javnim nabavkama - usluge sistematskog ljekarskog pregleda radnika Univerziteta u Tuzli, kao najpovoljniji izabran je ponuđač PZU Opća i Specijalna bolnica „PLAVA MEDICAL GROUP“ Tuzla, te se istom dodjeljuje ugovor o nabavci usluga u iznosu od 82.350,00 KM bez PDV-a, odnosno 96.349,50 KM sa PDV-om.

### **II**

Ponuda ponuđača iz tačke I ove Odluke odabrana je na preporuku Komisije za predmetnu nabavku u skladu sa Zapisnikom o pregledu i ocjeni ponuda, a iz razloga što kao prihvatljiva u svemu zadovoljava uslove postavljene u Javnom pozivu.

### **III**

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostavi original ili ovjerene kopije dokaza iz člana 45. Zakona o javnim nabavkama BiH navedene u tački 5.1.4. Javnog poziva.

### **IV**

Ova Odluka se objavljuje na internetskoj strani Univerziteta u Tuzli ([www.untz.ba](http://www.untz.ba)) istovremeno s upućivanjem odluke ponuđačima koji su učestvovali u postupku javne nabavke.

### **V**

Ova Odluka stupa na snagu sa danom donošenja i za njeno sprovođenje se zadužuje Odjeljenje javnih nabavki i investicija.

## **O b r a z l o ž e n j e**

Univerzitet u Tuzli pokrenuo je postupak usluga iz Aneksa II Zakona o javnim nabavkama za izbor najpovoljnijeg ponuđača za nabavku usluga sistematskog ljekarskog pregleda radnika Univerziteta u Tuzli sa zaključenjem Ugovora sa jednim ponuđačem. Javni poziv za dostavljanje ponuda objavljen je na Portalu javnih nabavki dana 13.05.2025. godine pod brojem: 795-9-2-3-22-82/25 i na WEB stranici Univerziteta.

U ostavljenom roku ponudu su dostavila dva ponuđača: PZU Opća i Specijalna bolnica „PLAVA MEDICAL GROUP“ Tuzla i JZNU Dom zdravlja „Dr Mustafa Šehović“ Tuzla.

Prilikom računske provjere ponuda, kod ponuđača JZNU Dom zdravlja „Dr Mustafa Šehović“ Tuzla uočena je računska greška kod ukupne cijene kod stavke 1 – Ukupni holesterol, LDL i HDL, AST, ALT, ALP, GGT, a time i na ukupnoj cijeni ponude, te je istom dana 29.05.2025.godine putem e-maila upućen Zahtjev za ispravku računske greške broj: 01-16-JN-8/25. Ponuđač je dana 29.05.2025.godine putem e-maila dostavio akt broj: 14-5-3337-2/25

kojim je potvrdio računsku grešku. Uzimajući u obzir računsku grešku, ponuđač je naveo da je ukupna cijena njihove ponude 97.800,00 KM bez PDV-a.

Komisija za provođenje postupka javne nabavke je zatim izvršila detaljan pregled i analizu ponuda zaprimljenih na propisan način u Javnom pozivu te utvrdila da su oba ponuđača dostavila sve dokaze zahtijevane Javnim pozivom, zbog čega su ocijenjeni kvalifikovanim za dobro izvršenje posla, a njihove ponude su ocijenjene kao prihvatljive.

Rang lista prihvatljivih ponuda prema kriteriju "najniža cijena" kako slijedi:

1. PZU Opća i Specijalna bolnica „PLAVA MEDICAL GROUP“ Tuzla – 82.350,00 KM bez PDV-a,
2. JZNU Dom zdravlja „Dr Mustafa Šehović“ Tuzla – 97.800,00 KM bez PDV-a.

Budući da ponuda ponuđača PZU Opća i Specijalna bolnica „PLAVA MEDICAL GROUP“ Tuzla zadovoljava sve postavljene uslove utvrđene Javnim pozivom, to je Komisija dala preporuku da se navedenom ponuđaču dodijeli ugovor u iznosu od 82.350,00 KM bez PDV-a, odnosno 96.349,50 KM sa PDV-om.

Cijeneći sve naprijed navedeno Direktor za ekonomske poslove Univerziteta u Tuzli prihvatio je preporuku Komisije i odlučio kao u dispozitivu ove Odluke.


**Pravna pouka:** Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.

**Prilog:** Zapisnik o pregledu i ocijeni ponuda broj:  
01-16-JN-10/25 od 02.06.2025. godine

DOSTAVITI:

1x učesnicima

1x a/a



DIREKTOR ZA EKONOMSKE POSLOVE

Alden Osmanbegović, dipl. ecc.